

## Dan East - Agape - God's Love Letter Scriptures

Zan 15:9 Ka -dhɔ -yö n -kë 'pö =dhɛ -kɔ 'ö n -dhɔ -yö n Dë -kë 'ka -a 'dhö. =Dhɛ 'ö "dhü, -ka 'to -kplü -sü 'ka -dhɔ bha- -bha.

Ezai 43:1,2 - Efεzö 2:10 -A pö 'a- wo "dhü bha- 'klɔɔ- -mü =dhɛ yö =në kwa -kë, 'yö kwa =nëng Yesu Klisi -bha. Kë "dhü kö këwɔn -sengbɔ -nu 'ö yöö =dede 'ö- -pë -kë -yi 'bha 'ka kö 'kwa- kë bha 'kwa- kë.

Zedhemi 1:5 - Gadhatö 1:15 "Kεε =dhɛ 'ö ga 'mɛ 'ö n -ya -dl -ta kö 'a kë ö -bha yëkëmɛ 'ka, kö 'mii bhɔ -zianwo =kö, 'ö n -dhɛ ö -bha -gasitɛ bha- -bha bha- 'gü,

Zan 15:16 "Kεε 'sa ka -zë 'kii n -ya. Ma =në ma -zë 'a n -kɔ -ye ka -bha, 'yö 'a ka -ya kö 'a ka bɔ, kö 'ka bhe -së dɔ "tüng =gban 'gü, 'wɔn -së kë -sü waa- -dhɔ -kë mɛ =gban "pεpε 'ka -sü 'ka, kö -yö kë "dhü kö 'pë 'ö 'ka dho- -gba -dhɛ n Dë -gɔ n 'tɔ 'gü bha -ya nu ka -dhɛ.

3 Zan 1:2 N -sëmɛ, 'wɔn 'ö 'ma 'yaanu 'a- -dhɛ Atanna -gɔ kö -ya kë i -dhɛ yö -mü =dhɛ kö 'wɔn =gban -wɔn =gban -yö dhi i -gɔ, kö -kɔ 'ö i 'nii- 'dhö 'ka 'klüöklü 'ka Atanna -bha zian -ta bha, kö i -dhü =dede -bha -yö kë "dhü 'pö.

Ezai 43:4 - 1 Piεε 2:9,10 "Kεε ka -zë yö =në ka -ya, ka =në 'ka yöö -gblüdë -ziisü bha- -bha "saabhome -nu, -a -bha "segɔ 'ö -ya -dl -ta -a 'gü -mɛ -nu 'wo -ya -sü 'ka -bha 'ka -a 'ka. 'Sa -yö ka -ya =dhɛ -kɔ bha- 'dhö kö yö 'ö ka bho -dhetiidhɛ -bha 'ö ka bɔ ö -bha -dhεpuudhɛ "dhiadhiasü bha- 'gü bha 'ka ö këwɔn -sengbɔ -nu bha- -nu -dhiang =në- zë. 10 'Ö gun zii 'kpa -bleesü Atanna 'yaa gun ka dɔ sië, "kεε 'ka kë- -bha 'ka -taamasü ya- 'gü. Ka -wëë 'yaa gun- kë sië, "kεε ka -wëë =yaa- kë dɔ 'kwa- wo ya- 'gü.

Zedhemi 31:3 - Efεzö 1:4 -A pö 'a- wo "dhü bha- 'klɔɔ- -mü =dhɛ Atanna -yö kwa -sü 'ö kwa -ya ö -bha -ya 'gü Klisi 'saa- 'gü "dhü kö 'yii "kpungtaadhɛ -zian -da =kö. Kë "dhü kö 'kwa kë 'mɛ 'ö "slüüslü, 'ö pö -tangga -zian 'yaa- -bha -a 'ka ö wëëdhö.

2 Timote 1:9 -A -gen -mü =dhɛ yö =në kwa dha, 'yö kwa -dhɛ, 'yö kwa -kë "slüüslü kö 'kwa kë ö -bha 'ka. Kwa -dhɛ 'ö- wo "dhü bha- -gen 'yii -gban kwa këwɔn -së -nu -bha, "kεε 'ö- "dhiü =wlü- -bha kö 'ö 'wɔn -së bha- kë kwa -dhɛ -a yi =ya =gwëë, =dhɛ 'ö =ya kë "dhü, 'yö bɔ ö Gbö Yesu Klisi -ta 'yö- -kë kwa -dhɛ kö 'yii "kpungtaadhɛ -zian -da =kö.

Zan 3:16 -A pö 'a- wo "dhü bha- 'klɔɔ- -mü =dhɛ mɛ "bhil- -nu -dhɔ 'ö Atanna -kë -a "sinma 'yaa 'dhö. Yö =në- -wɔn 'gü 'yö 'në ga do 'ö- -gɔ -a bɔ- -nu -dhɛ, kö mɛ "vū mɛ 'ö dho 'dhang bho- "dhiü, kö -tosea 'ö 'yaa yën 'ö- "piü bha -yö kë- -mɛ -dhɛ, kö- -mɛ 'gü 'ya 'dho see-.

Oze 11:8; Ezai 49:15,16; & Ezai 41:13,14

Lukö 12:32 'Yö- pö: «-A -wɔn 'gü, 'mε 'ka bɔ n 'ka 'ö ka kpö 'në 'dhö =dhe -tuü kpö 'dhö ya, "suü 'bha -bha 'bha 'ya 'dho ka kë! -A -gen -mü =dhe -yö -ga ka Dë Atanna =në- 'gü 'yö ö -bha -gblüdëdhe bha- nu ka -dhe.

Matiö 28:20 Kö 'ka- -nu =klang kë -zu -kë pë "pεpe 'a- -ben zë 'a- to ka -go bha- "piü -sü 'ka. -Yö kë ka "yaan =dhe a ka "piü yi =gban 'ka 'ö to- 'ka "dhü 'ö zun- 'ka "sε "dhiütoyi -bha.»

Zan 14:1 =Dhe 'ö =ya kë "dhü, 'yö Yesu -ya pö- -nu -dhe 'ö- pö: «"Kεε ka zuë" 'ya 'dho kaan- "kwëë. -Ka 'dhang bho Atanna "dhiü kö 'ka 'dhang bho mang -dI 'pö n "dhiü!

Somö 23:1 - Zan 10:11 Ma =në 'a -tuü -maakëme =dede 'ö -tuüme 'ka -a 'ka, -a -gen -mü =dhe "bhlaa -tuü -maakëme =dede =në =mɔɔ- -bha 'ö ö -bha -tosea =gbaɔ ö -bha -tuü -nu -wɔn 'gü;

Somö 23:2 - 'Dhebhownuta 7:17 -A -gen -mü =dhe "bhlaanë 'ö dɔ sië 'mε 'ö -gbloo 'kpiisü -ta bha- wëedhe =dede 'gü bha =në dho- -nu -maa kë =dhe -tuü -maakëme 'dhö, 'yö dho- -nu 'ka "yigo -nu 'ö 'waa "bhöö, "kεε 'ö =sii 'ö 'yaa yén -a -kë mε -dhe bha- -dhe 'gü. 'Yö Atanna -dI 'pö 'ö- -nu "yanyi =gban bho- -nu "yan "dhiü "pεepedhö.»

Somö 23:3,4 - Lukö 1:79 kë "dhü kö 'mε 'wo "ta sië "yënng tii 'gü 'ö ga dhɔng =ya kpa- -nu -ta bha, kö -yö -dhe "pu wo =në- -nu -ta, kë "dhü kö -yö -to 'ko -dhe -së -zian bho kwa 'ka.» (Zakadhi -yö 'tɔ -loo Atanna -bha -kɔ bha =në- 'gü.)

Somö 23:5,6 - 2 Kodhëngtö 1:10 'Yö 'ö "dhü bha =në yi dha 'wɔn 'ö yi -go -yö =mɔɔ- -bha 'nu 'ö 'to- 'gü bha- -go. 'Sa yö =në dho yi dha- -go "dhü -kpeawo.

Fidhpö 4:7 =Ya kë =dhe 'ka- kë "dhü, -yö -dho ka zuë" 'waanu 'ö -ziö mëbhüdhe -zungngüwɔn -zë =gban "pεpe "dhiütodhe -ta. Ka zuë" 'ö dho- 'waanu "dhü bha =në dho kë ka -zu -gban -gen 'ka, 'yö 'ka =nëng Yesu Klisi -bha, 'yö ka -zu -gɔn 'ka -wɔn "wεε 'bha 'yaa kë kö 'yii kë Yesu Klisi -wɔn -zë 'ka.

Provèrbe 3:24 & Somö 4:8 - Zan 14:27 Zuëwaanusü =në ma -zë 'a- to ka -go. Zuëwaanusü 'ö n -go bha =në 'a- =gbaɔ ka -go. 'Yö -zë 'yaa =dhe 'mε 'waa Atanna dɔ- -nu -bha 'dhö. -A -wɔn 'gü ka zuë" 'ya 'dho kaan- "kwëë, "suü 'ya 'dho ka kë!

Somö 33:18 - 1 Piee 3:12 -A 'klɔɔ- -mü =dhe 'mε 'ö pö 'aa- -nu -bha bha =në kwa Dëme -yö ö "yan -kë -nu "dhiü, 'yö ö "tu 'to- -nu -bha bheawu -bha, "kεε 'yaa ö "yan dɔ 'wɔnyaakëme -nu -zë -nu -bha bha- 'dhö.

Wlomë 5:2 Atanna -bha -gasite 'kwa -ya -a "yi =bhaa =dεε bha kwa- -slɔɔ 'dhang 'kwa- bho Yesu -wɔn "dhiü bha =në- "gblü "piü, Yesu bha =në 'kwa bɔ- -ta, kwa -bha 'dhang -bho -a "dhiü -sü -wɔn 'gü, 'yö 'kwa =yɔɔn Atanna "sɔɔ. -A -kë "dhü -sü 'gü, kwa =nii -da -gen -mü =dhe kwa -kë Atanna -bha 'tɔbhödhe 'gü -mε 'ka -wɔn -yö -dhö. 'Yö =në kwa -zu 'dhö- 'gü.

Ezai 55:12 - Lukö 19:40 'Yö- -yo bɔ- -nu -go 'ö- pö: «A- -pö ka -dhe =dhe kö 'mε 'wo bha -wo wo "dhi ta, -gwë -nu -dho "wl!»

Zan 16:22 -Ko do bha =në ka zuë" 'dhö =gbaon sië- 'ka "tüng ya- 'gü, "këe a -dho ka yo 'zü -deewo (kö 'ma 'go ga 'gü 'ma -bö), 'yo ka zuë" =nii -yo -da.  
-A zuëniidah 'dhe 'kö bha me 'bha -ko 'yii 'dho =moo- -sü ka -go -sü -bha.  
Lukö 12:9 "Këe me "vu me 'ö bo n 'ka "dhees -ta, mang -di 'po a -dho bo- -me 'ka Atanna -bha "kië -nu "yan "dhiü yi do 'ka.

Matiö 10:30 Ka -zë ka wun "dhe -zian 'ö ka -go -bha bha -yo dhong -sü 'ka 'ö -"dhi 'dhö ka dë bha- "yaan.

Ezai 54:10 - Matiö 24:35 -Yö kë ka "yaan =dhe "se waa- dhang- -wo -dho ziö, "këe n -wu -zë do 'yii 'dho 'go "gbluu tongtongdhö.»

Matiö 11:28-30 -A -wön 'gü me "pëpe 'ö =kwëe 'gbiin- 'dhö ka -ta, 'ö ka 'gü =ya ga -a 'sü -sü 'ka, -ka nu n "piü kö 'a "teepasü nu ka -dhe. 29 -Ka =nëng ma 'töng- -bha kö 'ka ka kwaa- ka -di -zü n -go, kö 'a ka draan- 'wön dö -sü -bha, -a -gen -mü =dhe ma -zë ma 'wön- -së, 'ö n zuë" 'dhö -sea; =ya kë "dhö ka -dho -ya ka -di 'flëë- 'gü; 30 -a -gen -mü =dhe 'töng- -nu 'a dho- nu ka -dhe kö 'ka- 'kun bha- -nu 'kundhe 'yaa "gbil-, =ya 'go yo -zë 'gü =kwëe- 'dhe 'a dho- nu ka -dhe bha 'po -yo 'füü-.»

Sadhomö 2:10 & Oze 2:14,19,20

2 Kodhengtö 11:2 =Dro =ya -da n 'gü ka -wön 'gü -wa! 'Sa =dro 'ö "dhö bha 'yii kë =dro yaa 'ka, -yo -go Atanna "piü. -A po 'a- wo "dhö bha- 'klo- -mü =dhe ka n -go =dhe -dhaagadhee" 'ö =waa- dö gwaan- -bha me doseng =në- -go =në- 'dhö, 'me 'a ka dö- -go "dhö bha 'yo -kë Klisi 'ka.

Exodus 3:14 - Eblo 13:8 -A -gen -mü =dhe Yesu Klisi bha, -ko do 'ö gun- -bha yi 'bha 'ka 'yo- -bha =dëe, 'yo dho 'to- 'ka "dhö -to "dhö 'ka.

Oze 13:4 - Këyuö -nu 4:12 Yöö doseng =në dhasü -yo =slo- "piü, -a -gen -mü =dhe 'to "wëe 'bha kö dho kë "kpung =taa kö 'kwa bö- -ta 'kwa dha 'yaa 'dhö.»

Zan 15:14 =Dhe 'ö "dhö n "taongdë -nu, =ya kë =dhe -wu 'a- kpo ka -bha bha 'ka yo =në- 'gü -wön kë kö 'ka kë n "taongdë =dede 'ka.

Zan 14:6 'Yö Yesu -ya po- -dhe: «Toma, ma =në 'a zian 'ö dho Atanna "piü -a 'ka, ma =në 'wo n -dhe teanwön, =waa- po 'zü =sii 'ö 'yaa yën, kö -wo -wi ma =në n 'ka. Me 'bha 'yaa 'dho n Dë -dhe 'gü kö 'yii zun ma -zë n -bha.

'Dhebhowna 3:20 -Ka -dhe -ga, a dö sië ka -go "kwëe -bha, a- -tama sië. 'Me 'ö =ya n -wu ma kö -yo "kwëe "pu n -go, a -dho -da -me -go 'koodhö 'ö yaa -me 'yi pë -bhö yi "kwëe.